

**FEDERALNO MINISTARSTVO RADA I SOCIJALNE POLITIKE  
EKONOMSKO- SOCIJALNO VIJEĆE ZA TERITORIJU FEDERACIJE  
BOSNE I HERCEGOVINE**

Broj:03-34/19-776/10  
Sarajevo, 07.04.2010. godine

**Z A P I S N I K**

sa 68. sjednice Ekonomsko-socijalnog vijeća za teritoriju Federacije Bosne i Hercegovine, održane dana 06.04.2010.godine u 16,00 sati.

Sjednicom predsjedava gospodin Edhem Biber, predsjedavajući Ekonomsko-socijalnog vijeća.

Sjednici prisustvovali:

Dr. Perica Jelečević, federalni ministar rada i socijalne politike, Radovan Vignjević, koordinator, Ismet Bajramović, predsjednik Saveza samostalnih sindikata BiH, Rifat Mahmutović, predsjednik Sindikata komunalne privrede, Salih Kruščica, predsjednik Samostalnih sindikata državnih službenika i namještenika u organima državne službe, sudskoj vlasti i javnim ustanovama u FBiH, Omer Sikira, predsjednik Samostalnog sindikata elektroenergetskih radnika BiH, Salem Hujić, predsjednik Samostalnog sindikata radnika šumarstva, prerade drveta i papira BiH, Mladen Pandurević, Predrag Čović, Eldin Brčaninović i Mehmed Čorhodžić, ispred Udruženja Poslodavaca BiH.

Sjednici nisu prisustvovali:

Vjekoslav Bevanda, federalni ministar financija, Vahid Hećo, federalni ministar energije, rudarstva i industrije, Desnica Radivojević, federalni ministar trgovine, Nail Šećkanović, federalni ministar prometa i komunikacija, Miralem Jahić ispred Udruženja poslodavaca Federacije BiH. Umjesto federalnog ministra energije, rudarstva i industrije bio je prisutan Stipo Buljan, zamjenik.

Osim članova Ekonomsko-socijalnog vijeća sjednici su prisustvovali:

Džana Kadribegović, pomoćnica federalnog ministra rada i socijalne politike i Ernevaza Hrustanović ispred stručne službe ESV-a.

**DNEVNI RED**

1. Usvajanje zapisnika sa redovne 67. sjednice i vanredne sjednice ESV-a;
2. Informacija o potpisivanu protokola o vođenju pregovora za izradu Izmjena i dopuna Općeg kolektivnog ugovora FBiH;

3. Razmatranje inoviranog Operativnog plana za implementaciju Socijalnog sporazuma 2009.-2010.godina i Program mjera za ublažavanje posljedica globalne ekonomske krize i unaprjeđenja poslovnog ambijenta;
4. Prijedlog Zakona o ESV-u;
5. Poslovnik o radu ESV-a;
6. Informacija o prisustvu socijalnih partnera sjednicama ESV-a.

#### **Ad.1**

Primjedba predstavnika Sindikata odnosi na Zaključak po tačkom Ad.4 u kojem umjesto- novog Općeg kolektivnog ugovora, treba da stoji, kako je prihvaćeno na sjednici – Izmjena i dopuna Općeg kolektivnog ugovora.  
Nakon ovih primjedbi zapisnik je usvojen.

Predstavnici Sindikata imali su primjedbu na tačku Ad. 1 zapisnika sa varedne sjednice gdje umjesto - osnovna plaća za određeno radno mjesto, treba da stoji – definiše koeficijent, odnosno da ista radna mjesta na različitim nivoima vlasti imaju isti koeficijent, čime bi došlo do izravnjanja na svim nivoima.

Također su naglasili da je u zaključku po ovoj tački treba da stoji da će Vlada i Sindikati usaglasiti primjedbe na Član 5. Nacrta Zakona o plaćama i naknadama u organima vlasti FBiH, kako je dogovoreno na sjednici.

Primjedba Poslodavaca na istu tačku Ad.1 odnosi se na zaključak pod br. 2, gdje stoji da je ESV podržalo Nacrt Zakona. Umjesto toga treba navesti da se Poslodavci nisu izjasnili, niti će, sve dok ne budu definirani koeficijenti. Zakon će podržati ukoliko on bude u skladu sa reformom javne uprave, ušteda u javnoj upravi i ako se Vlada i Sindikati usaglase po tom pitanju.

#### **Ad.2**

Delegacija Sindikata informisala je prisutne da su se predstavnici Poslodavaca i Sindikata sastali i dogovorili u vezi sa Protokolom oko Izmjena i dopuna Općeg kolektivnog ugovora. Protokol je sačinjen, dostavljen i spreman na potpisivanje.  
Predstavnici Poslodavaca dali su prijedlog da potpisivanje Protokola organizuje Vlade.

Nakon napomene da se u zaglavlju teksta Protokola naprave izmjene koje se odnose na nazive ugovornih strana Općeg kolektivnog ugovora, donešeni su sljedeći **zaključci**:

- **Tekst Protokola napraviti u 3 primjerka i pripremiti za potpisivanje**
- **Datum i vrijeme potpisivanja predstavnici Vlade dogovoriće sa Premijerom Vlade FBiH**

#### **Ad. 3**

Predstavnici Sindikata iznijeli su primjedbe na Izvještaj o realizaciji mjera iz Operativnog plana koje se, najprije, odnose na tekst iz dokumenta vezan za metalnu industriju. Prema njihovoj ocjeni više je trebalo skrenuti pažnju na parlamentarne zaključke, s

obzirom da su oni jačeg značenja. Smatraju da se nije postiglo očuvanje zaposlenosti kako je predviđeno mjerama. Posebno naglašavaju da se učešća Sindikata i Poslodavaca u upravljanju vanbudžetskim fondovima i drugim institucijama socijalnog sektora treba jasno definirati, odnosno postaviti imperativ da se na snagu vrati stara odredba kojom se omogućava njihovo učešće u upravnim odborima. Prijedlog Sindikata je da se razmotri zašto sve mjere do sada nisu urađene i da se zajednički pokuša naći rješenje za realizaciju.

Predstavnici Poslodavaca ponovo naglašavaju tešku situaciju u industriji i poslovanje sa gubitkom. Prema trenutnoj situaciji ni jedna firma iz metalne industrije nema izgleda da dobije kredit Razvojne banke Federacije BiH jer traže garancije koje su za 50% veće nego što su bile prije.

Smatraju da treba tražiti od Vlade izvještaj prema dva potpisana dokumenta – Socijalni sporazum 2009-2010 i Program mjera za ublažavanje posljedica globalne ekonomske krize, sa izdvojenim ciljeva i poduzetim mjerama. Posebno pripremiti ključne komponente: rasterećenje i poticaj privrede i očuvanje zaposlenosti.

Prilikom promjene uslova ili promjenom vlade nema kontinuiteta u provođenju zacrtanih ciljeva. Smatraju da Vlada nije uradila mnogo, može se raditi dalje da se negativni efekti smanje, ali nažalost nema volje, ni u Vladi ni u firmama.

Banke i Agencija za bankarstvo uradile malo na pomoći otplate kredita. Reprogramirana glavnica je u otplatnom planu znatno niža od kamate u prvim godinama otplate duga, što za privredu nije značajno rasterećenje. Napominju, u slučaju da banka zbog dugovanja preuzme vlasništvom, ono neće puno vrijediti ukoliko nema proizvodnje. Banke tvrde da su im ruke vezane jer od Agencije za bankarstvo nemaju odluku o rasterećenju.

Vrlo je jednostavno dobiti bolovanje i da ta činjenica stimulise radnike da ne rade. Pošto su nemiri sve radikalniji smatra da se ovaj problem mora hitno riješiti. Predlažu da se sa danasnje sjednice ipak treba uputiti pozitivan znak da će se po ovom pitanju rad nastaviti.

Predstavnici Sindikata navode da se tvrdnjama da su sve mjere iz Operativnog plana sprovedene zbunjuje javnost. Očekivali su prisustvo ministara, medije i ozbiljniju raspravu. Slažu se sa Poslodavcima da je trebalo konkretizovati zadatak obrađivačima. Vladi treba postaviti konkretno pitanje: Da li Socijalni sporazum još uvijek važi? Ukoliko ne dobiju odgovor, prijedlog je da Sindikati i Poslodavci održe konferenciju za štampu na kojoj bi iznijeli da im Vlada nije dala priliku da se i oni izjasne.

Izvještaji o prikupljenim prihodima od PDV-a, indirektnih poreza i akciza također su kontradiktorni između Porezne uprave i Federalnog ministarstva financija. Predlaže da se od Federalnog ministarstva financija traže zvanični podaci o prikupljenim prihodima i raspodjeli koji bi se objavljivali svaka 3 mjeseca.

Smatraju da Vlada treba deblokirati moguća finansijska sredstva radi finasijske pomoći. Također, prijedlog Sindikata je da ESV zaduži Vladu da preuzme izmirenje dugovanja za radnike Krivaje.

Predstavnik Vlade informisao je prisutne da je sličan izvještaj rađen i u Kabinetu Premijera. Prema tom izvještaju konstatovano je da su Ustavne promjene i bankarski

sektor van uticaja Vlade. Isti izvještaj je dostavljen ministarstvima radi pripreme za sjednicu Vlade. Smatra da današnja rasprava o realizaciji mjera nije konačna i da se o njima treba diskutovati kad svi ministri budu prisutni.

Krivica za neizvršenje mjera ne može biti usmjerena isključivo prema Vladi. Naglasili su da je preduzetim mjerama u praksi obuhvaćeno više oblasti nego što je navedeno u planu. Rasterećenje privrede i harmoniziranje sa RS-om nije provedeno do kraja zbog krize, a niže razine vlasti također treba da rade na rješavanju ovog problema. Smatraju da je Zakon o plaćama bio dobar jer je određivao primanja po vertikali, do kantona i općina. S obzirom na predstojeće izbore prisutna je politizacija, ali se treba zajednički okrenuti projektima i ciljevima.

Nakon diskusije doneseni su **zaključci**:

- **Razmatrani izvještaj korektan, napravljen na osnovu podataka dobijenih od ministarstava,**
- **Obavijestiti Vladu da predstavnici Sindikata i Poslodavaca prihvataju učešće na sjednici Vlade, kako je dogovoreno, iza 139. sjednice Vlade gdje će iznijeti svoje stavove o realizaciji mjera,**
- **Tražiti učešće većeg broja socijalnih partnera,**
- **Tražiti od Vlade da razmotri izmirenje duga Krivaje prije 14. aprila, kad se očekuje stečaj,**
- **Tražiti od Vlade da pripremi oficijalne podatke o prikupljenim prihodima i raspodjeli istih da bi se o njima moglo raspravljati.**

#### **Ad. 4, Ad. 5**

Predstavnici Poslodavaca predlažu da se daju primjedbe na predloženi tekst zakona i da se delegati sastanu i prerade primjedbe.

Tačku 5. treba razmotriti na isti način.

#### **Zaključci:**

- **Socijalni partneri trebaju odabrati po jednog predstavnika i do 20. aprila dostaviti primjedbe i prijedloge na tekst zakona i usaglase ih na zajedničkom sastanku sa predsjedavajućim ESV-a**
- **Usaglašeni tekst nakon razmatranja na sjednici ESV-a poslati Vladi**
- **Poslovník o radu ESV-a napraviti nakon donošenja Zakona o ESV-u**

#### **Ad. 6**

#### **Zaključak:**

- **Informaciju o prisustvu socijalnih partnera sjednicama ESV-a poslati predlagateljima na očitovanje**

Sjednica Ekonomsko-socijalnog vijeća zaključena je u 18.30 sati. Naredna, redovna sjednica Ekonomsko-socijalnog vijeća zakazana je za 27.04.2010. godine, sa početkom u 16,00 sati.

Predloženi dnevni red je:

1. Razmatranje prijedloga Zakona o ESV-u
2. Razvoj industrijske proizvodnje u BiH
3. Zakon o garancijskom fondu

Zapisnik vodila i pripremila  
Snježana Kapić

Predsjedavajući  
Ekonomsko-socijalnog vijeća  
Edhem Biber